

四庫全書

集部

欽定四庫全書

東江家藏集卷八

中集四

明 顧清 撰

北游稿

詩一百二十二首

戊午元日候朝和冬至韻

塵途役役苦迎將
五色誰從補舜裳
坐擁槐枝候明發
憂端不數漏聲長

謁文山祠次同游諸公韻

東風一夢過錢塘直自元豐兆靖康終歲諸公講和戰
到頭赤手樹網常生前骨肉山河碎身後輝光日月長

新廟城南更雄麗公忠遺種詎荒涼

時新作三忠祠於崇文門外祀諸葛

武侯岳武穆及公

又用杜韻

碧殿長松鎖十尋晚雲將雪助蕭森貂蟬不改厓山制

公封信國時帝在厓山

金石疑聞孔壁音

祠在府學文廟西

南去星潮嗟

往事北來祠廟豈公心春風一掬唐衢淚幾為先生濕
短襟

人日鄉里會歸曹良金秋官寄示詠懷新句明
日齋所奉答

薄寒催酒鬪新年猶是郊齋一日前事往舊游真作夢
詩來險韻恰逢咽鶯調歌舌方求友柳著官黃欲試綿

子建平生最蕭洒壯懷寧許豆稽然

來詩句意若有不憚然者

十四日雪後朝回史館作

紫宸晴雪映蓬萊獨出東廂候鎖開學士履聲雲裏下
君王鑿駕月中回爭先皓鶴羞初日失喜遙林見早梅
坐聽角門宣喚急却思授簡懼非才

同年齋院中朝振同戴御史元之宿僧舍憲清
南夫有詩嘲之往返良苦予最後作為之解

圍

清曉詩筓入遞頻夜牕虛榻看橫陳賈餘競欲收三捷
戒狃予方息兩民掖竹本因枝帶葉胡盧豈必畫非真

朝振有紙畫
胡盧之句

西堂三日伊蒲饌且共瞿曇講幻身

以燈圓餉陸太僕

三五新正憶故園
屑雲糜玉鬧春盤
小奴解作江南意
遠客都忘歲暮寒
梅欲鬪圓忙著子
雪如爭巧故成團
玉厓太僕真清吏
莫認明珠按劍看

同年劉直之父母雙壽

東望蓬萊極海雲
仙筭滿屋舊曾聞
老餘驄馬
畱桓典歸卧青山
共少君華髮笑看
明鏡在綵絲

猶憶畫簾分高堂歲晚長生燕還折梅花映寶薰

紀夢寄文宿諸友

客舍春來覺夢多黃衫連夕報登科七星散落雲中斗

獨鶴高乘樹杪柯

元夕夢七鬼齊立各擎一斗云天星墜以此承之又夢坐大樹下一巨鶴

來巢其上
須臾而成

捷足故人俱綠鬢關心鄉社渺滄波從今不

作停雲望傾耳雷門聽凱歌

送汪進之令永嘉

馬上相逢識未真論交已是十年人風雲聚散驚浮世

霄漢飛騰有健身奉日豈應忘近主鳴琴聊欲試親民
東風百里温州路誰看桃花滿縣春

賦得瀛海奎光送馬良佐先生之南院

仙家蒼茫雲海東海光上與星辰通昭回萬象森布列
靈景獨應圖書宮宮中明星十有六一一紫焰舒長虹
珠宮貝闕相蕩漾頃刻萬狀難為容羣仙無事亦來往
鸞鶴隱見空明中翩然一鶴下南斗流輝萬丈驚蛟龍
蛟龍驚遯海天淨惟有匹練懸高空紫宮東南縱遐眺

晴霞五色交青紅天孫停梭赤霄上指點毫末分纖穠
帝傍絲綸要經緯旋軫不待星躔終石渠延閣五雲繞
紫泥黃紙三更封懸知不學卯金子餘光反借青藜公

題萱桂圖送徐理之父子

白頭人對綠衣裳本自無憂不待忘誰寫萱花傍叢桂
要看雛鳳挹天香

蔣國器往歲南歸予苦頭風不得送賦詩有記
取他年說今日冷雲疎雨出都門之句今再

至而歸子亦病中天復陰雨俯仰今昔為之
慨然

五載京華兩賦歸客心都似宦情微天應有意還畱舌
雨亦何心慣濕衣長路不須懷近事

國器此來
多可感者

舊題渾

已識先幾小崑山下農田早為想秋風蠲稻肥

徐子容祖母壽八十三

春湖映空光一碧春日烘雲成五色金堂仙人燕王母
雲影波光亂瑤席麟洲別來幾清淺蘭葉萱枝翠如翦

笑輪花甲問東風八十二年供一莞楊花撲簾春晝遲
鸞笙幻眇朱絃稀瑤環涓秀瑜珥潤戲舞繞膝爭含飴
就中一孫俊而奇珊瑚玉樹含春暉擔簦上國未能去
幾日目斷孤雲飛西風八月仙桂黃手攜鶚書還故鄉
仙人一笑開北堂重簾複幔皆天香男兒悅親寧碌碌
作詩獻壽還拭目

子容讀書京師求此寄壽是秋果高薦詩云有識
殆不虛也

三月廿一日書事

只合清江坐釣磯
等閒誰遣著朝衣
綠陰門巷青繩路
心逐南雲一片飛

小閣垂簾相對紅
窄衫低帽一叢叢
歸來有語那能記

坐倚東風憶夢中

時初教
內書館

鄒時鳴父母雙壽

玉陞風光動綵裾
鵲聲先已報江魚

時鳴奉使
使道過家

鸞回兩

檢新封敕龍卧三
湘舊隱居喜氣併
添凝望裏賓筵相

壓小春餘無因得與升堂拜長傍紅雲想使車

家僮摘槐芽

小奴攜筐綠掩苒斜日歸自東鄰家青精未試仙子訣
冷淘的見詩翁誇人間正味竟何在天地育物真無涯
紫萼青苻更不惡高秋誰泛三江槎

送王約赴河間縣丞

平原西北古瀛洲長記征車半日畱山接全燕從地起
河分二水帶城流千年王澤詩書古永日丞廳竹樹幽

好去王郎更清白龍門一局未應休

挽蘇廷玉

到處江湖識此翁幾番傾廩惠疲癯靈巖山下一片石
歎息高蹤已夢中

何處士賞靜亭

萬里松州限蜀川風流幕府重當年籌邊屢上金城略
退食還歌菜竹篇意外雲山爭自媚環中風月許誰傳
灑西茅屋長鄰近相望孤鴻落照邊

送可晚吳翁

十里山塘接虎丘，隱翁家近白蘋洲。
偶來暫別延陵廟，

欲去還同孺子舟。

先生與徐司空
同來今復同去

雲裏綵衣高捧日，雨

中黃菊苦思秋。經年正有庭闈念，為酌離觴悔遠游。

送謝司倉

寧知信宜邑，乃在古高州。
地接朱鳶近，天連碧海浮。
官倉餘火米，土俗罷綿裘。
莫作炎蒸慮，男兒重遠游。

書饒貢士友愛堂卷

江雨紅垂荆樹花草堂千里夢京華無人為續池塘句
長向春風憶謝家

風雨長安旅食孤夜燈火說江湖紅塵下馬東城路
來看饒家友愛圖

送夏良惠

君從澄江來還望澄江去澄江渺千里孰是君歸處連
連波上山歷歷沙邊樹長安多親知青雲在指顧一行
拂塵衣高意竟莫禦凌江望農烟憩石呼晚渡芳旣笑

兒童佳木散徒御問訊釣魚竿汀洲未云暮

送宋惟德分教池州

池陽風物似長沙第一名山是九華輸與能詩宋文學
芙蓉影裏岸烏紗

送王汝昭考績還南樂

鳴玉薰風下紫清日華流采照君明重來一鶚秋期近
暫去雙鳧曉翼輕封域未踰關輔地別離無奈故人情
歸輪入境應頻駐一路棠陰父老迎

送汪縣丞還吳興

吳綿百箇練千箱歲占東南第一綱不似朱家貢花石
九重龍袞要文章

洞庭烟浪接吳興使者歸舟畫裏行浮玉山前萬松底
好詩多為別來生

題李徵伯扇

新雨蕉葉大雲根生畫陰只此可永日何必絃鳴琴

題趙希文所藏王孟仁小景

柳絲如烟散晴風小桃野樹交青紅芳洲細草何丰茸
綠波遠與青天同遙山西入空濛中扁舟兀坐誰氏翁
物色似是天隨公驚麕駭鹿不可蹤此日此意殊從容
自從挾書朝帝宮十年夢寐勞江東長橋飛蓋連垂虹
尚想烟雨推孤篷偶然一笑豈易逢丹青信有縮地功
燕山六月苦蘊隆開軒對此情無窮誰歟往者吾其從
送盛世虔兼簡嚴以德

紅雲千里隔江關容易看君獨往還留得錦箋無恙在

不教空到小吳山

東河日日望蘭舟
遠客新年已倦游
為憶相逢話京邸
紅菱白藕正清秋

書吳通判焚黃卷

通判名嵩台州人
以盱眙尹陞任

淮甸風煙接海門
甘棠隨處綠陰蕃
人傳舊德歌三異
帝有新恩責九原
華表月明蒼樹合
寶函春動彩雲翻
鄉人應悔籛金誤
衰草荒墳泣斷猿

送楊啓祥

楊生畫蘭近無敵揮筆使金如使墨玄繒紺楮隨所遇
入手光風燦朝日湘江南北幾千里收拾都歸筆鋒裏
閒來天上弄秋光落筆便得天顏喜有時片紙出人間
傳看一日遍九廛五侯七貴爭莫致時復揮翰騷人前
西風八月吹錦衣生時為錦衣鎮撫掉手還向江南歸汀洲蘼
蕪寒更綠木葉時傍孤帆飛回首思君何處切南薰殿
裏午風微

送徐中行南京工部

瘦石亭前倚曉風十分涼意小橋東雨餘楊柳秋仍綠
露下芙蓉晚更紅情至怕聞千里別會疎猶喜一尊同
畱都宮苑稀程作高詠還應不負公

八月六日周北野宅尊鄉會雨不能赴先是予

招客亦值大雨

秋雨亦無賴偏欺我與君每當開燕日故作滿城雲未
說初春旱何如後夜聞一般尤足恨紅濕從伶裙

孝松為故華亭貳尹吳君賦

君昔哦松古華亭我方挾書游縣城流風善政尚能憶
未省至孝通神明郎君京華報君訃握手道邊雙涕橫
潛光隱德有如此如君豈獨堪為丞乾坤茫茫日月速
斯人已復從先塋塋前鬱鬱萬松樹總是君手栽培成
鄉人重君不忍斥指點蒼翠歌儀刑秋霜春雨幾悲愴
大篇長句何鏗錡松兮節操本自貞何幸遇君增令名
田家紫荊尚千歲何況美與參騫并我歌孝松君敬聽
古來萬化由家庭行將東海甘棠樹并入朱絃流頌聲

鄉人徐景暉老而喪子遊京師意象悲甚將別

贈此

子美卿好學早卒

早向丹山識鳳雛十年清夢隔江湖偶來聚首驚霜鬢
忽漫長歌缺唾壺春雨南洲君號也生杜若夕陽西崦近
桑榆扁舟揮手渡江去從此人間謝畏途

東海先生有表弟褚君跛一足先生呼為鷓鴣
叟輸賦入京求此詩

有叟有叟名鷓鴣壯年意氣亦豪踈豪行不顧一足拘

苦吟贏得全身癯有兒不令左右扶獨攜短筇朝帝都
縣吏睢盱索官租兒職催科翁代輸輸完婦子得寧居
老身健在百不虞西風官亭傾別壺亭樹啞啞啼乳鳥
似是憂翁步趨趨烏不能言意有餘何不啼向吳城隅

宋宮蹴鞠圖

甲馬營中五色光天將一統付真王後園踏鞠寧為戲
猶有蕭孃卧榻傍

宮體四首次良金韻

鴉鵲樓深月到遲倚闌閒弄玉參差侍鬟記得新腔去
又向花間教雪兒

水殿涼多夢易醒昭陽歌吹隔青冥絳紗還有回來伴
奉帚金門候曉星

領得銀環奈別何更煩同伴畫雙蛾一般昨夜龍池雨
偏有垂楊葉上多

瑪瑙階邊蛺蝶花玉闌低轉畫廊斜大家近日親經史
不向宮門候小車

題畫送夏時臣尹龍游

紅葉西風吹客衣
江邊行李立多時
舟師亦解衢人喜
橫櫂中流歌竹枝

新安鄭氏四節坊

衛亂共氏理周興
比干封義節本天授
褒揚繫皇風間
披新安志仰企滎陽宗
烈烈四女士允為男子雄
世運有遷革英風浩無窮
高閎麗雲漢大字騰蛟龍
在殷比三仁於宋齊五忠
世有長樂老此地無經從

送少師謙齋先生致政歸義興

逢掖登庸玉帶歸近來親見古應稀
兩朝舊學傳黃卷一代完名映紫微
西洛園池增勝槩東城冠蓋掩前輝
門牆賸有樞趨地還許相從認釣磯

題畫馬

吳興公子人中英文學之外百藝精
龍紋鳥跡窮變態落筆萬類無潛形
畫家難工在狗馬即物計數皆天成
平生所見凡幾本如形在鑑影在燈
君家此幅得何處

真跡似是來吳興前行三匹駿且獐急鞚恐作蛟龍騰
一匹顧類未肯行一匹欲卧垂青纓中間一匹骨如堵
四蹄猶帶交河水紫衫奚官髮鬃髻胡靴短鞞帶紅鞵
當年內廐事毛仲幾隨仙仗過華清興亡百變物盡化
惟有遺跡留丹青摩挲絹素三歎息毛鬣似覺雄風生
君不見千金尚買死後骨此馬此人君勿輕

塞上謠

十月龍沙百草乾嫖姚乘勝逐呼韓關中更有蕭丞相

千里無憂給餉難

千頃膏腴紫塞秋健兒耕作貴人收
金城遺跡猶堪按
只在忠良與國謀

題松鶴圖為周太守壽

同年時
敏之父

翩翩雙白鶴飛自瑤臺陰玄裳既修整縞袂亦蕭森
喬林縱遠步虛壑引清音俛仰各有得逍遙清澗潯
達人
事當世雅志本雲林懸車不待歲戢羽思高尋何異松
間鶴飄飄雲漢心嘉誕賓友集初筵列朋簪鳴絲送旨

酒抗節起高吟白日麗華棟簪犀炫鉤金招要香山翁
笑傲白雲岑歲歲但如此焉知寒暑侵

鄒靜修挽詩

好景耆年正合閒背堂花竹面樓山祖風田畫交游裏
家法王凝伯仲間塵夢一宵驚汗漫舞衣當日記爛斑

君以初
度日卒

傷心玉井峯頭葉誰共滄洲載月還

君有舟名
玉井蓮

陳清泉挽詩

永嘉人止齋之後年九十一有子
十一人孫五十四人曾孫三十一

人玄孫

八人

短世匆匆春夢同
蜉蝣螺羸空西東
眼中壽考已如此
膝下子孫誰似公
紀德前身太丘長
游仙此去雲臺翁
清風來往鴈山下
應笑白髮悲兒童

題姜少卿廷憲墨竹

草草臨池墨蕭蕭
落葉風高情不可見
悵望越江東

送程克晦

篁墩先生族弟

春陽遲遲風奕奕
灤河潞河凍俱釋
河邊官柳千萬株
一一長條麴塵色
小車載酒沿堤去
目逐行舟不能住

攀條弄色臨晚風却憶前年別君處君家奕世廊廟人
蹙蹶霜蹄何足云南山積書充四庫西洛奧旨窮三墳
山深晝長風日美把卷臨流思千里有書數寄南來鴻
慎勿待建鄴西風吹桂子

秦一元自通山尹調歸善李文瑞索詩送之

青雲早折桂林枝鄂渚鳴琴有去思為愛羅浮峯頂月
清光猶得照朱絲

陳汝礪憲使自雲南入覲陞左方伯

朔雲逢入覲南紀送歸藩地昔埋輪舊官今列岳尊冰
霜回晚烈風日散春溫定遣炎州物秋毫識帝恩

東圃題陳明之菊期南夫二郎

日出東軒積雪融菊芽蘭茁競春工君看石畔叢叢碧
已辦西風一丈紅

吳汝玉自公安赴會試以例格不許

吳郎自負知何似一落荆南便十秋夜榻偶然同舉酒
春風幾處獨登樓名場接軫分胡越劔氣中宵看斗牛

已識行藏非在我江湖何地不優游

舊例乙榜教職九年許會試丁未以就職者少減
至六年丙辰入試者多復奏限實俸兩考汝玉坐
此空行後一舉仍丁未例

月樓為楊尚絅賦

飛蓋橋頭踏月華順流東去是君家曉風依約憑闌處
隔浦金盆漾淺沙

層軒高棟切雲浮縱有闌干不礙秋誰在隔江歌水調

清寒重憶廣庭游

題王敬止所藏陳明之菊二首

雲根翳金英零露雜芳草憶昨南山行相逢正秋曉

王郎東使年金緋照雲海

封朝鮮賜金帶白澤衣

餘輝賁園芳歲

晚猶采采

菊名紫袍金帶

偶書

萬事人間不可期雲中日日候來儀九苞自愛桑榆暖

慙愧西風碧樹枝

魚腹隱刀猶可測牛頭有角豈難知寒泉渴飲真破甑
更向青冥學忍飢

李方伯挽詩

玉節新移自汴郊緘題千里託神交有懷旱歲為霖雨
無地青山酹東茅南楚遺民怨芳草西江歸櫬泣潛蛟
諸郎不忝長平裔雲路爭看麗九苞

書感

山陰青裙姥家有雪色鷺右軍往觀之烹鷺候烟蘿入

門訪所聞盤饌紛前羅
姥意豈不勤客來其謂何
相知古云難卽此感人多
咄哉悠悠者何必皆操戈

九十百里半一簣千仞基
少壯必有立晚節乃堪持
感彼日暮者睠此青陽時
婉孌不自愛瓦裂當告誰

袁澄夫顧東曙寄詩各次其韻

夜歸連得故人詩二妙誰令聚
一時感舊不知吾慷慨
論才寧合子棲遲花當春半方堪賞
杯到愁來只自持
只尺龍潭笑游地扶搖今日望天池

生世端如雪上鴻一尊猶記別時同雲山有夢尋常到
江水無情日夜東未許文章真我輩尚餘禮樂待諸公
他年只恐西亭鶴哀怨西風總帳空

東曙有清世巢
由恐未公之句

送胡仲光分務清江浦

計省郎官白髮新掄才元是玉堂人不將粉黛從時樣
儘有風流愧後塵淮海又成千里別山林猶是十年身
秋風會有離羣思還向清江采白蘋

送林光甫分教上猶

行盡西江是上猶南來五嶺入雲浮官曹不厭詩書冷
風物且為山水留虛市早春梅子大畚田初夏稻花稠
公餘我欲煩騎馬一訪張公鐵漢樓

張東海守南安重起此樓

沙陽徐復禮持曹宗孝書來却歸省親還赴南

雍秋試

劍嶺西南不斷青七峯羅立鳳岡橫絃歌里俗誇新尹
江海奇珍見此生遠信恰隨春鴈至歸心先逐暮雲征
扶搖更覺南溟近為想西風六翮輕

寄壽何以仁御醫用匏翁韻

松間倚几逐陰遷竹裏茶鐺掃葉然老去益知閒有味

丹成不恨世無傳

君子九傳善醫

風塵笑我方為客雲海如君

更羨仙翹首碧山叢桂底一尊相屬定何年

送譚貢士拱之入南雍

同年雅祥從子

陋巷頻煩枉刺箋入門風格故翩然雲衢繼美看諸父
璧水蜚英及壯年師友盡觀南國士平安時報上江船
清秋桂子金陵月還比長安一樣圓

送丁指揮

丁將軍家習武身好文一生讀書思致君君門射策不
得意俛著兜鍪髮如蝟男兒豈必昏明經叔皮定遠俱
成名陰山尚有強梁客聽我秋弓霹靂聲

送任希賢分教雲和

古栝風煙接四明舊家文學最知名

任本奉化人松
鄉先生之後承

恩尚及青氈在懷土潛驚白髮生春雨菁莪遙送喜秋

風棠棣獨關情

時怡菴助
教太學

祇應此後池塘夢長共飛雲

繞鳳城

題書堂二小畫

收却吳蠶八繭絲
草蟲連夜促鳴機
內家見此誰能解
游子江南正憶歸

蒹葭倚空未老蓼
花被水初紅我覺
蜻蜓得意翻飛來
往薰風

兩峯書屋

青山相對起我屋
住中間讀書有時
倦曳履看青山

峯頭雲氣來飛翠，入牕戶相逢載酒人。却度前岡去，
攤書石牀上。偶坐牕前樹，微風山半來。松花落無數，
斜陽度西嶺。返照松下石莓苔。新雨過，灼爍炫金碧，
湖東海月出山半。竹牕虛斜白。櫺間壁分明見，蠹魚
明月照前峯。影向北峯落。幽人夜啓扉，驚去松梢鶴，
湖頭三尺雨。峯頂雲一寸。雨止山依然。琴書得餘潤，
自有兩峯來。幾人此高卧。掩卷問青山。岩花向人墮。

春試鎖院日聞刑部奏舉邵郎中天衢任方面

衆許作詩送行已而得福建按察副使

剡報初傳自棘闈使星今已向東維一時戲語今成讖

兩月清歡合有詩

是歲三月二日揭曉

雲近紫垣明繡豸日臨滄

海動朱旗還朝便作三年別未放秋霜點鬢絲

送徐子容下第歸洞庭

長安城中十日雨馬首不見纖塵飛羣峰遠想湖上碧
一鶴獨向秋前歸青雲緩步更自穩寶劍頻拭還增輝
江頭今夕誰共語船牕落月明絺衣

何丘山生日會以疾不赴

西第南樓迹已塵北軒長夏更宜人

丘山兩歲
頻徙居

年華如

此便千古湯餅不須愁衆賓炎日病軀妨躍馬綠陰高
柳正欹巾一番又負花前醉遙聽笙歌聒四鄰

湘水飛雲

客有瀟湘意新圖展白雲天邊幾晴雨坐裏日氛氳聚
愛桑陰茂行憐鴈影分新年多喜氣五色變龍紋

西苑觀太液蓮圓殿古松及進冰者各記以詩

亭亭芙蓉花獨出清泚中青天飛綵雲墮此明鏡空
日耀華色炯然臨曉風天質豈不麗自無桃李容窈窕
靈洲遠逶迤仙苑通永謝蔓草纏寂寞甘自紅

層城出雲雨其上多古松但觀鬱蒼蒼莫記植者功
衆鳥不敢棲恐是跋地龍迴影拂金瓦踈枝吟天風
翠華有時來綺繡交玲瓏吾聞泰山植恥受秦人封
物巨宜有靈時清多幸逢培植不厭厚乾坤固無窮

凌人慎時令初夏進寒冰天闕自曠迴龍樓晨更清
金

盤未及薦洞戶秋風生瑤姬玉筍指仙袂六銖輕持玩
更調笑柔纖映紅明豈識單衣子衝寒鏡涸溟

王漢英通政母八十

銀臺先生髮如漆太君高堂新八十朝回迎客花底揖
花枝拂衣紅一色折花奉觴拜膝席君家太君藐姑射
太君霑醉朱顏溢鸞笙入房侍兒掖後堂歌聲綵雲隔
主人畱賓還促席青衣傳語催勸客太君萬壽客無出
從此年年作生日記取明朝是重七

題顏山人畫送劉可大先生歸五羊

山人胸中山萬重，傍吞雲夢涵太空。
落筆天機橫復縱，須臾萬象分纖穠。
大山盤盤雲與連，小山江面如浮煙。
江長山遠望不極，彷彿孤帆疑上天。
高岩飛流散冰雪，轉出深林凡幾折。
上方臺殿空煙霏，下界塵囂此中絕。
林回路轉地益清，垂楊一徑通幽亭。
先生高坐客不去，終日扁舟相對樹。
平橋淺水帶遠村，青林茅屋春氤氳。
兒孫生長不相識，雞犬有時中夜聞。
山人昔年侍明光。

填門造請皆侯王熊姿犀角日點綴局束不奈冠與裳
絃圖曠逸知有以無乃賜金歸去放筆臨瀟湘風流太
史同州彥乞歸幾奏金鑿殿離觴載舉索我歌不覺飛
蠅污東絹山人山人今有無江湖落日愁煙蕪玉堂揮
翰須健手碧山長嘯非良謨北來倘有陽關意好寫瀛
洲春燕圖

七月十五日久旱而雨同啓衷給事送林宗清
夜牕題詩風雨集想得行人喜欲狂領取官河三尺水

連宵通插放歸航

左諫聲華日月邊
故人身到九重天
山中桂樹今無恙
好賦淮南第二篇

陸儀賓使還過吳省親

蕭史乘鸞去千秋尚綵衣
來陪雙闕拜行望五湖歸
故老爭先覩高堂謝夕違
山迎秋晚翠門映海東暉
腰褭金重絡芙蓉畫兩旂
舞疑天上別歌聽月中稀
仙醴頻添蟻宮羅疊送緋
一尊歡不盡又逐彩雲飛

題野莊卷

秋風吹庭樹落葉滿空除
閒尋野莊句感我丘園居
丘園正收穫此日樂有餘
親交亦相念奈此川陸迂
爾莊復何許言在南浦隅
同處百里間原田料相如
欲往念未可撫時空鬱紆
聊詠寄吾志行哉歸荷鋤

送石城李先生祭告闕里

簪紱清齋出禁林
尼山秋色正蕭森
雷風豈有金騰警
玉帛深懸黼座心
此日羹墻親仰止
平生海岱快登臨

皇華不用歌離別併入新宮播雅音

送湯堯德從事西川

好去皇華使相將萬里行冰霜烏府節風物錦官城驛
騎春山麗文書夜案清成名在年少鄉社莫牽情

九日招天章

薊北江東路幾千萬重心事別三年官程算得無多日
莫為淵明靳酒錢

篁墩先生挽詩

理學龍門後文章太史公蜚騰當景運簡注切淵衷載
筆皇猷傳經帝業崇芬華霑草木名姓熟兒童琬琰
鐫磨徧川源滌溉空為霖須海內騎尾忽天東往事浮
雲改遺書列屋充掀髯懷指授擿埴歎嶺蒙悵望仙衢
遠追攀逸駕窮南山秋月夜愁斷白楊風

進士熊世芳太僕陸獻臣先生令新建時所造
士也奉使過家先生賦詩為其尊人壽要予

同作

邂逅春風識鳳雛又隨羣彥送輶車人看白髮迎門日
路是青雲發軔初壽酒正宜桑落後舞衣猶帶御香餘
只應喜殺洪都尹親見揮金為買書

彭景武出守過家索詩為其尊人壽

振鐸俱成績懸車不待年青山同洛社紅日在堯天名
德存諸老勲庸付後賢庭趨看五馬堂集記三鱣天與
齡如鶴人知祖姓錢壽杯釀若露仙果大於拳儼雅吳
鬢像飄搖蠡浦船

吳中學舍有生祠
蠡浦公所居也

聖恩殊未艾玉帛

竚登延

與原復飲時章宅夜冒雪歸馬上聯句

灞橋詩思玉河東客散重城夜向中

原復

皓白暗欺雲路

月

清清寒時拂帽簷風

原復

十年江外孤篷遠

清

此夕燈

前一盞同

原復

明發趨朝看晴景水精渾琢大明宮

清

次日夜酌用前韻

明朝塵海各西東莫惜清歡此夜中韻好不妨還用雪

清

杯深那復畏衝風閱來世事常多感

原復

語到心期每

自同

清

飛矢奪梟成一笑插花猶憶醉南宮

原復時
原復瀕敗

得梟矢

而均

插花猶憶醉南宮尊酒三年此會同

原復

嘉績已看書上

考醉吟何惜到春風楸枰的歷碁分角壺耳鏗鉤矢躍

中

清

回首不堪凝望眼白雲長滿五湖東

原復

李叔淵父壽七十八

學職致
仕受封

世味真應染指休太行千畝即菟裘天書有寵紅裁錦

春酒無時綠滿甌到處煙霞宜杖屨會心花鳥自林丘

新年八十相將近更伴莊椿一度秋

御醫楊信之故宅在玉河東涯有花竹山石之

勝時行借居有作次韻

滿城車馬此堂閒招隱真堪賦小山花竹四時春不斷
琴書列屋晝常關開尊又喜逢青眼攜手還思弄碧潺

僕曾寓
其北鄰

却怪相期數相迂早朝常隔殿西班

兵科立
御道西

記十一月十九夜夢

夜夢飛行萬山頂下視黃河如汲綆

二句夢
中作

仰觀明星

萬銀餅青天倒垂碧瑤鼎大冶神光赤霞炯我暫窺之
百夫警東北玄雲突如猛上衝層霄夫參井若華欲舒
震方炳人間寂寥萬物暝

送原復

臘月朔行將過家
為尊甫封君壽

闕下恩光動錦袍東行未覺故山遙雲當驛路還停馬
酒溢春杯擬頌椒歸日諸園花併發拜時雙鬢雪全消
何因暫作稱觴客醉擁藍輿過午橋

江西傅生復立其遠祖學士初菴書院於其鄉

體齋宗伯先生屬為賦詩

前朝學士有聞孫能讀家書習舊聞遠道不辭來上國
名山時為訪遺文青氊次第還初觀白馬聯翩向暮雲
遙憶精廬清夜永一燈還與列齋分

次石樓太史和陳時雨大行劉汝中中舍東圃

聯句韻

病學安心未有方清齋聊欲寄僧廊
簷花細雨思公甚
塵海西風為底忙
蒼筍定應誰共嗅
醍醐遙羨獨先嘗

石翁妙語清人骨吟斷東軒一縷香

庭樹着雪宛若梅花遣興一首

朔風吹庭樹歲晚益蕭疎同雲散微雪披拂下寒虛
旒輕點綴芳華在須臾感此歲寒物念我田園居豈不
信假合憑軒亦欣如

冬夜德卿希大徵伯過訪

良夜賓友集開尊坐南軒華月照兩楹熾炭回春暄妙
語入肯綮雅歌振清溫共言會晤難非惡愧盤殮且復

延茲賞明發又塵樊

雪中思南夫迴碧樓戲簡

迴碧新題幾首成無人曾見雪天清
晚來劇有山陰興憶著袁安未敢行

時雨用東圃韻寫懷兼惠柳木壺矢

東天形裁出薊方幾陪陳榻署東廊

時雨寓行人司

爭梟解奪

由基巧失笑曾聞玉女忙分遺却隨詩併至
試投誰合酒先嘗春風有約應非遠拍瓮新醅夜已香

臘月廿三日飲德卿宅用涯翁齋居聯句韻

良游集南園秉燭向深夜盟尋舊雨餘坐想重茵藉墻
陰有殘雪鄰酒方索價西瞻太行峯皓白欺二華茲惟
藏春塢豈伊凌風榭洪爐赫彤霞餘香裊檀麝牕明疑
若空簷短不留罇吟苦愁後成棊勅鬪先下翻思前夕
裏高宴久已罷遠鐘送深更疲僕催早駕顧茲蚓竅鳴
試我蠅頭寫得雋豪屢揮沈思首頻亞忽看山月高顧
影獨驚詫情兼賓主忘氣已芝蘭化諸公信自賢此夕

頗堪訝招要入拘牽窘迫自閒暇詞非石鼎工酒罄金
壘瀉明朝逐餘歡此榻寧許借

除夕招王德馨

客舍長安歲屢遷屠蘇明日又新年共君只向燈前醉
免與兒童計後先

送僧還妙嚴己未齋居秦魯山僧舍作

鶴城西北古招提十載長安夢不迷我正憑闌送歸目
君來卓錫話留題邯鄲枕裏三生速瀛海天南一鴈低

金定日八
卷八
幽徑小軒何日到碧流長繞畫廊西

再賦

夜宿端公房念與永公別青燈淡踈櫺起坐見微月野
鶴飛無定籠鷹動遭掣翩然思南翔神爽渺飛越精藍
古城隈臺殿高巒嶮幽房回曲徑只尺人境絕公持桑
下意我憶雲門襪他年續清游還放西潭柢

東江家藏集卷八

欽定四庫全書

集部

東江家藏集卷十九

詳校官監察御史臣龔駿文

中書臣劉源溥覆勘

總校官知縣臣繆琪

校對官編修臣周瓊

謄錄監生臣茹灃

欽定四庫全書

東江家藏集卷九

中集五

明 顧清 撰

北游稿

詩一百五十二首

庚申齋居和錢世恒僉憲

頻年僧室共郊齋
引接多慙降等儕
詩老漸看過大歷
語真時復到無懷
好風先夕知清道
朗月中天想燎柴

明日衢尊又承慶
還同既醉舞堯階

慶成燕和張南山

日高仙蹕殿東來
鵠立簾前候扇開
舞隊夾門參馬象
衢尊當陛繞雲雷
寵承天語親教坐
清列卿班獨許陪

時鄉人上殿者惟先生

連日玉河驚紙貴
遍傳新製咏臺萊

前題奉次侍讀白先生韻

紫蓋前頭擁八鸞
日華流彩映天顏
升中慶衍三朝會
供奉筵高六品班
衆樂送觴仙調緩
諸番入隊舞衣斑

明朝齊和陽春曲誰復周京詠北山

和孚若詠雪三首

微陽猶伏地中雷寒勒江雲勢未回
啁晰漸多籬外雀
浮沉頻撥爨頭醅
占年有喜先知麥
擬賦無能且用梅
曉起江山盡銀海
更容神女著蘆灰

簾旌不動曉來風
一刻瑤花滿太空
神用莫窺龍變化
幽蹤誰別兔雌雄
先生東郭行應遍
公子西園興未窮
便欲君王借千騎
夜驅殘甲出雲中

書生裘褐自無兼雪意連旬未解嚴天上爛開羣玉府
人間那有却寒簾簷棲白鳳遙分勢闕映蒼龍已沒尖
能賦只應輸子建百篇信口不停占

再和煮雪雪山二首

玉鉉金觴未許拈陶家風致我何嫌雲英一化春無跡
乳脚初翻火正炎真樂故應兒女笑清歡那得故人兼
陸器之號煮雪時適有書風牕細啜詩成後何物中邊數蜜甜

羣兒癡絕不知寒搏雪中庭作幻觀忽訝海波晨湧地

更疑華頂夜憑闌斜侵院竹驚枝短清逼臯禽覺袂單
不用孫龍較同異浮生只合此俱看

並蒂瓜榴為錢世恒賦

錢時未有子

瓜蔓遠更碩榴房寒始紅由來重嘉實不必當春風君
看小山植朱碧秋重重間出或偶爾俱駢豈人工必有
千里駒為君叶維熊如機雲軾轍方駕凌紫虹善頌敢
云我深培本緣公他年記父執無忽丹青功

元夕匏翁宅次馬宗勉少卿韻

瀛海風光自一家衣冠此日共清華奉常彩筆飛千兔
學士銀屏簇萬花時初設屏燈看到春城無此盛傳來郢曲
拜君嘉賓筵喜氣晨猶在散作東園五色霞

再和匏翁韻

玉署東來第一廳元宵燈火燦銀屏青雲幸接諸公武
白雪猶疑隔歲聽江海幾人思舊雨煙霄此地拱繁星
寧知起草明光夜別有金蓮徹曉停

遣天彛歸省

遣汝寧容易高堂念久違書將錦字寄心傍白雲飛
幹譽知吾意承歡羨爾歸有懷言莫盡愁立到斜暉

地是承家重年今抱子餘出門初託汝念別正愁予鄉
黨先親舊川途慎起居由來榮故里非必在高車

吾家寒薄味汝頃及親嘗莫以花間日都忘葉上霜容
儀師抑抑裘馬戒揚揚自古謙恭子名高祿壽昌

槿花隨日殞松栢入雲高樹德由先世霑恩到爾曹親
賢衣襲麝從惡火消膏看取盤中粟耕耘亦甚勞

八年違故里此別更懸心
伎倆人看汝承傳始自今
羅囊知不帶緗卷亦時尋
勿忘臨行語風來竚好音

和良金詠雪

白戰功成四百年
騷壇弧矢到君拈
中天屢合駕鸞陣
小帳猶歌阿鵲鹽
弄影月娥回縞練
散花天女歛柔尖
不辭強步同高韻
鴻跡春來幾處添

送陳瑞卿還臨清為其子天澤賦

驅車戒行邁復此官道周
昔來冰雪交今還風日柔青

駉繫柳枝好鳥鳴相求冠蓋羅四筵
瞻言各綢繆感此自難別况懷瓜葛憂清源
雄劇地南北當襟喉選代苦不易眷毗良
以優暫割骨肉思且為旬月留長安富車
馬遲尔看來游

送東平守張元之赴黎平

東州棠樹好又剖越南魚地域衡潭盡
星文翼軫餘長才須歷試遠俗賀寧居
已有侏僂子循山候隼旟

嘲衛景玉

金天四石卷之三
卷九
聞說城西射鴈歸
水清沙冷鴈高飛
將軍不是無長箭
為惜春風好羽衣

附景玉和

勝日西郊縱獵歸
兒童爭看馬如飛
先生莫笑無長箭
元凱何曾貫鐵衣

題張通判春江載月圖

月出大江平
仙舟上國行
回帆混天影
發棹動春聲
遠樹光疑濕
虛牕夢與清
知君濟川具
聊復試初程

送李徵伯之曲阜

遠游君未曾發軔便東魯平生仰止心一往了千古尼
聃本通家復此締媵與豈徒升門堂行且窺奧序君才
自豪宕雲夢口吞吐茲行信天假為爾闢襟宇冥搜窮
日觀曠覽極鼇嶼必有浩蕩辭凌風振珩瑤念君千金
軀垂堂有前語聖言本非外吾道足自取歸哉慎勿遲
高堂念風雨

又次錢世恩韻

問道趨東魯聯輿有稚圭

時知德同行

侍闈看乍遠吟牽動

還齊觀海雲浮地登山月傍梯預知篇翰富雙從錦囊

奚

訪陳時雨不過次劉文敷韻

童子應門語自真

京城投刺多門者例稱不在

錦囊何處覓陽春劉

郎莫歎空歸去更有斜陽獨坐人

書所見

垂楊十里拂金隄走馬東來不記誰飛虎兩鞦韆玉帶

盤雕雙袖蹙金絲

馬首東風吹柳絲
碧桃紅杏鬪芳菲
游人不是金丸客
說與流鶯莫亂飛

毛閒翁百歲預壽

天子十四載昭陽紀靈辰
閒翁壽百歲弧筵啟青春
孫子天上歸板輿奉慈親
扶携獻春酒盛事傾海濱
我明始馭宇元氣會九垓
歷歲三十餘六合熙同仁
翁實生此時所得固已淳
葆真遺世網委順隨化鈞
自從結髮

來白首如一晨譬彼凌寒松本異凡卉倫動息有至理
往來無雜賓閒居談往事聽者疑古人嘗言十六七文
皇當北巡金輿映朝日日覩天人真自攀鼎湖龍五拜
重光新雖微海田變冠蓋幾湮淪念此勸翁飲無負尊
前身南山晚更綠時菊長精神悠然東籬下想見無懷
民願得假羽翼杖几承清塵作詩預為壽轉盼鶯花瞬
從今歲一篇積卷如車輪

兵部侍郎楊公挽詩

名謚

乞歸未許更承恩
總為朝廷仗老臣
帷幄尚紆千里策
冰霜已瘁百年身
中州清氣還嵩洛
後代公言屬縉紳
一卷崑山去思錄
便應談笑離風塵

壽劉碧窓

同年文
教尊人

半欵烏帽引清觴
無柰斑衣繞膝長
百歲好懷當此日
一年佳節尚重陽
黃花近竹深承露
綠橘辭林淺帶霜
既醉有詩還自慶
只應身健詠時康

題潞河別意卷

兩字功名一劍歌舟航南北亂機梭夕陽沙上流連意
只有青山見最多

春江漫興

人間七貴五侯江湖蕩笠羊裘細雨鴛鴦沙上微風舴
艋船頭儂家五湖迤東此意於君更濃一派桃花流水
十年馬首西風

為杜庠題山水橫幅

屋頭衆山森戟戟屋下寒溪深見石溪流循山若縈帶

別館離亭紛向背茅堂近水景絕幽繞簷萬竹風颭颭
主人自得濠上意終日俯檻臨寒流東寮把酒呼促席
隔屋糟牀晚猶滴清談北館風滿衣折梅寄遠情依依
山童晨起掃落葉不知松露霑荆扉經營布置各有態
頗學畫者勞天機東吳杜郎江海客覽勝搜竒遍京國
家園十畝畫不如猶向丹青愛陳迹西風八月南鴈飛
扁舟遠自長安歸高堂無事兄弟樂終日雞黍要鄰比
新圖便是君家事何必區區詢畫師

送友人

清涼國裏列仙儒坐擁溪山畫不如黃卷上堂朝日後
青衿分閣晚燈初晴嵐捲翠遙侵戶瀑水分光欲浸裾
便欲從君尋九曲隱屏仙掌更縈紆

為潘克承題林良蘆鴈

林郎花鳥今代奇水墨到處皆天機長緜濶幅信手揮
妙處不屬丹青圍江頭雨深菱荇肥枯槎折葦紛離披
鴛鴦羽冷畏遠飛雄雌兩兩相猥依靈茗翠羽不自危

鷓鴣喋語晡玄衣依棲俯仰各有姿乍見幾欲呼鷹師
乃知此老筆不疲市朝山林時見之雞林相君知白詩
君家此本吾無疑北風漸高禾黍稀雲飛日見江南歸
吳江洞庭三泖涯天空水遠無拘羈焉得扁舟從尔嬉

送劉宗哲進士尹東鹿

長材宜德選望邑麗神州黃甲非身貴青箱本國謀絃
歌深里巷雨露足田疇矯首西山月清光夜夜秋

孚若時章約九日廣恩寺登高雨不及赴

白雲觀西紅葉堆重陽有約携尊罍游人不出看白雨
老僧閉戶生青苔乾坤此景復幾尔造化於物何廉哉
未能騎馬且獨酌菊花許我明朝開

戴溪山挽詩

金陵人能詩善小兒
醫有溪山樵唱集

海鶴東飛不記程溪山猶是昔時清城門儻有重來日
應笑兒童白髮生

末俗崎嶇巧智多紛紛天札柰愁何青山不盡思公意
落日空聞伐木歌

賦樓翠樓送曹良金出使歸省

羣山繞湖湖繞山高樓突起湖山間湖光如藍山如黛
雲近百里趨凭闌主人不出日高坐笑弄煙霧招雲鸞
雲鸞空飛渺無迹但見蒼蒼竹樹相回環芳蓀小松亦
何意點綴几格娛清閒大郎新歸自天上春衣五色宮
花斑樓前拜舞樓上醉山水亦似回歡顏煙凝不知晚
色改潦盡更覺湖波寬登高作賦遠莫致目極吳江楓

葉丹

送羅允恕歸省

滿庭蘭玉翠交加近日西江更幾家
累葉書香傳祖父同時科甲際亨嘉
三秋別思初驚鴈五色宮袍重染霞
為問山中閒太史也應飛夢向東華

題石田春江釣魚圖

重江迢遞水煙通天設滄洲著釣翁
返照入山迷紫翠平林過雨雜青紅
閒邊歲月真輸子忙裏鶯花正惱公
為問中流容點筆扁舟畫我載冷風

題竹送阮大經還金陵

十載江東憶舊游
竹林斜日坐深秋
長安道上紅塵滿
賴有清風消客愁

譚雅祥使歸壽母

皇華夾道擁歸裝
喜氣遙看滿北堂
天上瑞雲垂五彩
人間佳節傍重陽
早時賢範熊丸在
再世諸孫玉樹長
七十一峯青在望
若為登拜捧霞觴

羅先生歸田八景為賦其四

三顧書臺

雲表三青嶽蕭生昔棲遲
緗素久已散荒臺仍故基
落日循嶺圓逍遙面崔嵬
當年選幽勝花竹繞階墀
千齡亦未遠俯仰有餘悲
勿訝岩居子緬想希安期

雙溪道院

雙溪走岩麓上有真仙居
蕭爽蔭珠樹虛閒開玉除
先生讀易罷杖屨或來於
東寮紫鸞笙西館青霞裾
招搖弭絳節想象凌清都
日暮籃輿去天風送步虛

中林社鼓

高榆蔭靈境，秩祀歲有虔。烹羊擊我鼓，老稚走紛然。落日更起舞，酣歌間駢闐。少壯遠行役，投老歸農田。鄉鄰既無故，孫子亦多賢。但願歲常稔，聽此終餘年。

古寺梵鐘

梅花攪我夢，欵枕五更初。頭陀閤羣昧，霜金吼桐魚。一擊塵夢醒，再聲靈襟虛。須臾萬籟動，鳴雞遍前墟。起坐視簷隙，明星猶在隅。却憶長安日，整冠趨朝車。

送劉景星教肥鄉

常日黃梁說夢游明朝匹馬度邯溝山連王屋排空下
雲在天門抱日浮枕裏盧生迷歲月皮間李野有陽秋

丈夫功業時來建肯向青藜歎白頭

景星治春秋有名

孚若出示乃兄九三先生瑤草篇敬題其後

達人遺世網心與元化冥高居養靈和土石被華精英
英庭下草羅駢不知名明冰比皓質文玉擢修莖羣芳
不敢伍煜煜揚翹英我願采掇之恐是玉山杭持以詩

千畝媿彼堯階
莫路遠傷後時
悵望吳峯青載
歌小阮詞感我
金蘭生青雲果
善頌白雪宛遺
聲餘芳倘許拾
相携泛蓬瀛

為盧悅清題竹四首

盧郎老益清正
似雪中竹歲寒
林下游還許王
猷續雷雨過前
溪竹色猶黯慘
泥中有龍孫戢
戢露頭頷風吹
楚雲去一半在
君山帝子不可
見江空聞珮環
凌晨步東林滿
地散珩瑤舉頭
見朝陽傍有青
鸞舞

沈石田畫楊君謙僧普泰雪夜談玄圖

石田山水此第一儀曹魯山跡亦奇月明滿天雪在地
聽取兩翁無語時

為定默然題吳僧畫蘭二首

猗猗芳蘭在彼幽谷孰為我徒清泉修竹清泉涓涓修
竹蒼蒼蓀也可人蔚乎相望明牕若空左右圖史永言
諸君樂自今始

吳有高人得筆三昧灑墨飛空墜不沾地化為幽蘭殊

妙特妍相所於歸繫定默然煜煜者蘭岩者石谷爾
叢林茲焉作式

山水小景

江柳青青帶薄煙鷓鴣飛盡水如天幽人看得青山熟
一任東風拍釣船

送費千戶襲職還松

流水平林帶郭斜將軍門巷野人家

費家舊西湖上青林
華屋真城市村莊也

百年勲蔭餘喬木三月春風想落花何日燕游還此地

向來談笑即搏沙王師未斬樓蘭首看爾腰間似莫邪
和許啟衷給事春日

細雨間門客到稀偶臨池水見晴暉浮萍本是風中絮
爭得還隨柳絮飛

即事和前人

新出燕雛不記歸清晨捲簾到夕暉苔痕漸於細雨長
榆莢正得斜風飛北邊稍喜烽火息南國却真魚鴈稀
賴得相期有鍾子未應終遣壯心違

邃菴

達人隱城市端居穆幽深雖當車馬交而無塵土侵側
徑入迤邐層軒遞明陰蕭森間水竹窈窕想雲岑朝回
隱几坐幽意宛山林想當締構初豈有遠世心抗席展
圖史分庭盍朋簪覃恩窮海嶽清言振瓊琳譬彼九臯
啖風聽徹重霧鴻飛二十載俯仰成古今高雲復南逝

時先生有南
太常之命

何時續幽尋行窩倘有作千里續遺音

送楊承家

邃翁天下奇之子亦超越琅玕映珊瑚文采爭煥發識
君雖未幾一見眸已豁方期托芝蘭告別何倉卒江東
名勝地京口豪雋窟槐黃逼秋期腹笥撐突兀三杯脫
寶劍百步挽明月穿楊何足奇會見石羽沒清江柳方
綿紫陌花未歇晴空正無雲萬里見孤鷗

送宮諭李子陽先生赴南京太常少卿

典學東朝舊史臣南臺禮樂荷新恩百年景運當熙洽
三代遺文入討論花竹競誇官署好江山深拱帝京尊

只愁未了閒居賦

先生奉母夫人以行

又被東風催北轅

劉舜卿祖父母挽詩

極目襄垣道蕭蕭落葉秋人猶避駉馬夢已隔丹丘比
穴看明鏡同歸想玉樓餘芳知未歇孫子在瀛洲

沈廷用以尺籍事來京却歸賦別

老去江湖氣未消欲將長劍倚雲霄

廷美少游邑庠

十年幾作

登樓夢一笑元非折簡招櫪下儘餘宛騷裏軍中誰是
霍嫖姚浩歌一曲指歸路白鶴城西又晚潮

送張信卿知歸德州

短亭官柳下長路酒杯前待解薰風纜頻迴落日鞭龔
黃新寵命梁宋古山川去去應傳得歌謠滿日邊

送陳玉疇提學南畿

聖學久不講斯文日陵夷紛紛事佔畢青黃互鑄追豈
無豪雋人柰此場屋靡離章務迎合出意追新奇公言
著簡冊啟彼捷徑岐坐令青衿子釋耒拾東遺所操諒
如此即事吁可知陳侯儒林彥憲府久聲馳以彼冰蘖

操樹此文章麾色笑春雨霽櫛楚秋霜威矧伊根本地
允矣列郡規指揮苟有嚮風行草爭靡走也章句士久
墮荆棘蹊前瞻若有見內顧靡所施六籍本大道旁搜
竟奚為贈言劇深願迴瀾此其時

石邦秀侍御再按陝西乃弟翰檢先生索賦

又見皇華映陝郊遺民應念使君勞關河尚有風塵警
彈壓還須在繡袍

青雲雙鳳立朝陽綵筆春生白簡霜心識西行非遠別

夜來綠草滿池塘

沈士登初入學夢人誦詩有細絲曾釣海龍來之
句是歲集選得富春丞乃子陵隱處因贈此詩
夢裏金龍憶細絲桐江只在富春西久知萬事皆前定
肯向浮生歎不齊坐上溪山明畫鷗人間歲月等醯雞
兩株松外千竿竹吟得新詩到處題

蔣濟民自光祿署丞調主靖安簿滿考入京乞
致仕賦以送之

黃龍浦南雲水鄉八月鱸魚三尺長
遠游不柰鄉思苦

歸去正及秋風涼
內朝供奉參鷺羽
西江撫字留甘棠

丈夫事業無小大
看取老圃寒花香

濟民既致仕家居
十餘年足不履城

市雖儒冠中
有不及者

王師仁少宰挽詩

諱克復嘗巡撫蘇松等處

曾瞻旌旆立江邊
過眼棠陰二十年
黃閣鹽梅閒老手

青山松桂富新篇
人高晚節踰三讓

公四上疏始得歸

帝有餘

恩賁九泉擬奠生芻
不知處碧雲無際
海南天

王思德寄歙研吳牋

歙樣新傳勝紫琳
函封遠自栢臺深
隱光似截波間玉
涵潤長流月畔金
箋素一時爭煥發
煙霞當日記追尋
西江使節冰霜重
泚筆鑿坡竚好音

東關池上作次杭世卿吏部韻

靈沼溶溶雨欲飛
水東林苑望中微
雲光倒湧金隄去
寒色遙從錦樹歸
詩出鎬京歌在藻
地因龍首憶承暉
君王自是稀游衍
魚鳥無從識畫衣

李徵伯挽詩

鳴雨送殘夜青燈黯無光坐念絕代人今古永相望美
德豈足恃令我初志荒忽復疑夢假余襜已充箱掩涕
不忍視起步空徊徨

憶昨聽鶴亭與君初接言神交四千里從此成第昆誦

我避水書

壬子歲寄與謙者徵伯誦之云此時已識君矣

意氣藹蘭蓀十年事

幾變俯仰猶旦昏已矣蕭朱心傷哉復誰論

間歲苦離索舊游若雲萍與君每共歎忍復此長暝元

龍

德卿

接近旬旦暮涕已零遥遥兩汪子

抑之器之在憂制

此信

何時聆虛簷團雲影永夜雙燭熒

雲版蠟燭聯句

清歡可復繼

即此成千齡

數短得氣清才高與時齟黃鵠當摩空豈復須再舉乃
知摧折意造物忍如許空梁飄素帷幽架落殘楮矯首
青雲衢槐黃泪如雨

元賓既無祿長吉亦早亾古人泪未盡今子重天傷憎
能宣天心念此誰紀綱綵幌飾文木襲君錦繡腸下入

三泉底千秋長閼藏惟應箕尾際永夜騰光芒

生死猶寤寐昔人屢言之夢君執我手明言兩無疑

云我

雖死猶微伯也何疑問死恨草草懷存亦依依及論重來理調笑

名我癡

云再生亦易望我為非熊則駭耳

肯綮出妙語

又云家君言聖人起居日用亦

與人同但有節耳說得太高使使人不敢學後問涯翁翁泣然曰誠有是言徘徊指還岐幽

林猶彷彿高壠儼崔嵬永念結沉痛蕭條誰與歸

夢在馬丘

樹下語四面斗絕指東北一徑使下笑而揖別思之宛然

松嶺長春為周淳甫母壽

匡山回望翠成林，春色分明此地深。
雨露獨承千載潤，冰霜不異一生心。
高標彷彿丹梯外，佳氣氤氳碧澗潄。
何日潘園奉周覽，東風十里步清陰。

張廷肅憲副致仕歸中途得二郎子德捷報

先生繡斧辭榮日，令子青雲擢秀年。
宦轍九霄餘熟路，書香一脈是真傳。
傍階霜菊深承露，夾戶星榆欲造天。
先生手植城中鮮有惆悵無因接賓燕，碧山回望渺風烟。

畫馬為內學生題

穆穆嫩綠垂楊短冉冉晴沙御堤軟驂駟行慣穩不驚
圍人徐牽不教遠飛黃食料三品豐青絲絡首飄風駿
曾見沙場征戰苦方知此物是真龍

冬至謁陵次允升太史送行韻

出門愁望北風驕百里園陵亦未遙餘雪印隄塵不動
諸山迎日霧全消松楸夾道如前日冠珮中天限此宵
想得羣仙會朝罷並瞻雲物慶豐饒

雪山次吳寧菴先生韻

夸娥失喜巨靈號騰六平分縮地勞孤牖忽驚銀海立
兩峯誰論玉山高巖似欲生雲母融液猶堪淪澗毛
為報朝陽莫相妬先生吟筆正翻濤

未雪風姨已怒號為山無乃雪重勞人間年麥明年富
坐裏蓬婆一夜高目眩有時還拄笏神游他日想寒毛
陽坡數曲如溪澗應待春風送海濤

良金秋官錄囚江右有發其同官不謹事者所
司銜舊怨竄君名其中調東昌督馬通判衆

知其誣而莫與辨也詩以送之

東觀圖書共昔年西曹風月許聯編論心合在青雲上
撫事空嗟白壁前曉日鴻鴻猶尺只春風駟馭又三千
池魚塞馬俱休論且讀南華第一篇

壬戌元宵應制絕句八首

樓前燈火合彤霞裏簫韶引翠華散出黃柑齊拜賜
玉皇遙在七香車

兩宮慈壽極尊親聖主承歡一萬春放出金蓮長不謝

扶來玉輦靜無塵

銀幡賜了敕觀燈次第風光滿鎬京
看到筵前鳩拂舞
九農春事已關情

華星寶月滿長安繡屋金缸夜未闌
遙望千門起庭燎
尚宮先輦奏迴鑾

紫壇回仗溢天津特敕金吾弛夜巡
為有蕃禧助陽令
六街花柳一時新

宵旰憂勤十五年鼇山燈火亦初筵
小臣未識魚龍戲

中宴先歌蟋蟀篇

紫檀紅蠟夜頻添萬歲聲中樂未厭華月正當雲母障
微風莫動水精簾

乾清前殿夜將分萬燭交光絢綵雲傳敕明朝散燈宴
詞臣好進勸農文

後二日有旨再賦律詩四首

樂歲逢春物物宜聖人行樂是乘時天垂玉燭三千紀
地湧金蓮十萬枝星閣捲簾紅日近虹橋按曲綵雲遲

願因歡慶思幽隱更法光明事緝熙

千燈高列奏宮懸五鳳齊飛拱御筵春到上元真富貴
月臨雙闕正清圓甘泉西北長無警瀛海中間大有年
暫弛金吾三夕禁未妨宣室九賓延

好景新春屬上元蓬山排日會羣仙叢金間玉燈千樹
翔鳳迴鸞月一天直以昇平留燕賞肯將光景付流連
綵雲遙望笙歌合知奏邠風第幾篇

紫皇宮闕夜通明飛閣迴廊白晝行宸極本同天下樂

霓裳不度月中聲
河山表裏歸全盛
雲物光華溢太清
願祝聖人千萬壽
年年燈火看昇平

許百戶從軍普安州至潞渚卒時其子魯從子
游賦此弔之

擬作燕歌贈粵行
劔稜中斷不成聲
一天凍雨紅旗斂
萬里炎煙碧草橫
假息忍看徵側在
裹尸誰弔伏波營

反者米魯傷心最憶湖陰路
垂柳閒門幾送迎

君家海
子東涯

予教內書館時
於其家小憩

郊行憶徵伯與德鄉希大聯句

故人丘壠望中孤

玉

古木荒村舊路紆

清

野莫有懷空

酌酒

宇

交游無興更携壺

玉

人間流落文章在

清

夢裏

依稀涕泪枯

宇

此日九原如可作

清

問君曾記玉樓無

玉

把筆英姿在眼中

宇

笑談曾共此堂東

玉

乾坤蒼莽游

何處

清

花雪追隨夢未終

宇

價重連城驚毀壁

玉

氣消

神駿想追風

清

悲歌亦是傷春調

宇

却與傷春調不同

玉

石橋歸路又斜陽

清

舊日經行宛未忘

字

何物山川收

間氣

玉

向來星斗避寒芒

清

青鳥未卜前岡吉

字

白雪

空傳下里章

玉

一滴九泉今定到

清

騎龍休問白雲鄉

字

送道士周翠岩還松江

颺輪不到海東頭
夢裏三山日夜浮
歸去有時應駕鶴
別來幾處見乘牛
風清曉殿思金磬
雲淡春空送綵輜

借問赤松千載後幅巾還許伴清游

送蕭指揮還金山

將軍承寵出明光歸騎東風滿路香家有六韜藏虎豹
身堪百戰掃豺狼北來烽火邊無警南去波濤海不揚
細柳繞營春日靜雅歌誰與共壺觴

寄高魯唯

去年下沽頭
寄索子詩

千里南河入望賒美人有約賦皇華鄉音不遠經冬鴈
雲路常瞻八月槎官好水曹清徹底名高玉樹淨無瑕

北堂春日花如錦時向公餘奉小車

送吳汝玉下第用己未春韻

建業西風憶繫舟
燕臺此別又經秋
也知和璧終傳世
恨向荆江復倚樓
且莫臨歧傷遠道
要須游刃視金牛
長安春色年年似
一樣王孫爛漫游

送百戶徐欽襲職還松江

曲墻垂柳蔭清池
十載高門路不迷
盡說栢舟同節苦
欽早孤生母某氏與
嫡共撫鞠屬志甚堅
驚看玉樹與雲齊
恩光曉日瞻龍

仗行色秋風入馬蹄拂拭家藏舊弓劍從今步步上丹梯

賦蟠桃圖為張時震父母壽

玄洲髣髴海東涯海岸蟠桃大比瓜畫入彩縑疑着霧
望迷仙苑欲生霞稀年令德真相配紫府丹臺別是家
我欲金壺借餘墨一枝併寫杏園花

維揚魏文壁工詩能琴善畫幅巾布袍游京師
蕭然不與塵土雜將還與德卿御史各賦詩

送之

清溝綠樹繞江都樹裏人家畫不如
艤櫂十年同過鳥臨流此日羨閒居
乾坤老眼丹青在江海神游夢寐餘
西北月湖連甃社幾時攜手弄明珠

題扇壽愛疏吳先生尊人

江海歸來一幅巾東風八十四回春
日長勘罷參同契坐對青山即故人

泰和蕭生將赴臨汀驛留三日為予寫真賦此

為贈

本自煙江坐釣磯
春風強使著荷衣
不知面目從來假
更與蕭郎問是非

南望臨汀路八千
皇華四牡日紛然
江湖或有商岩相
倘可因君送上天

送張晦夫長史之沂州

猶記征車逐後塵

僕隨計北上會晦夫
於康莊驛遂與偕行

離亭回首十經

春衣冠稷下誰公
右禮樂河間合此
新長日橫經當便

坐有時紆錦見鄉鄰

君家去沂州甚近

綠楊騎馬城坊路應向

西風憶故人

還金行為叔武郎中贈濟南姚龍

故人留金兒不聞故人已死人誰云昨日結交今有變
何況天涯生死分延州挂劍事已矣濟南高風見吾子
金還故人事則已事吾當然非有以江海千秋歌義士

送甯菴學士赴南院

紫清仙吏亦分曹瀛海晴虹隔翠濤詞下掖垣花欲動講

回前殿日初高城臨秋水迎飛蓋閣倚春風想運毫為
謝白雲荆渚上樓船不似北河勞

送盛春雨還吳

未來消息滿長安小住何妨趣駕還海內正懸春雨望
山中誰放夏雲閒每尋燕語多高論轉覺鴻飛不易攀
翹首閭門煙月路幾時携酒扣玄關

哭次兒天敘寄兩弟五首

孤根託淺土所賴衆葉扶斧斤日相尋誰能不傷枯根

傷葉乃落葉落根轉孤不知天地仁根也真何辜仰天
天蒼蒼扣地惟黃墟有語不可道泪下如傾珠

虎狼亦愛子烏鳥亦戀雛生子不能庇悲恨當何如伯
也歸故鄉漂泊無寧居仲子最孝謹性復愛詩書百方
撓其中一病辭寒廬垂死與母言血淚沾衣裾沈思不
忍道命也有生初

養蠹傷桂根擊鼠傷定盆盆傷鼠故在桂死蠹轉蕃明
明世間事替亂與誰論吾兒曾閔性至死無餘言念之

益我痛作詩懇煩冤

十年住京國日與憂患隨逢人得家信十書九攢眉芝
蘭日以瘁荆棘日以肥宿累本在我餘殃及吾兒種樹
已結子養雛已能飛一朝委塵土煩冤當告誰

汝母初來時骨肉共團欒依依戀微祿幸爾免饑寒負
乘知有愧酷罰倘可寬弱女在旅殯十年猶苦酸如何
復及爾中道摧羽翰蕭條古僧房兄妹兩孤單疏牕對
寒雨念之傷肺肝何當歸爾魂慟哭淞水干

喬時章除瑞安侯訓導侯實慈壽宮弟時章內
翰師召子也

長樂清風動內朝漢宮陰馬宋高曹外家多福遵慈訓
西塾延賓得雋髦永日青襟環講坐有時紅燭對揮毫
相看益重酬恩地身是鑿坡舊鳳毛

南有蠻為陰子淑憲副作

南有蠻穴都勻反乎覆倣以噉反噬厥主戕我民鴟張
四顧掠且焚繫陰侯筭若神戢我武綏以文綏之弗來

穢乃羣蠻破膽伏以馴釋不問弘我仁豕入其笠吾誰
嗔嗚呼普安城亦吾人一不戒血成津胡為不遣當使
君嗚呼胡為不遣當使君

時宋魯據普安叛其
初御史一言激之也

程德望祠部於書室前鑿池作亭秋望落成而

正之內翰適至因名其亭曰登月室曰聚奎

要子同賦

方塘開我前明月出我東仙人騎鶴來憇我亭之中調
笑弄月影徘徊吟天風夜久月漸高光滿池若空遺我

丹桂枝自携白芙蓉飄然凌風去千秋懷德容

文星近東壁煌煌照圖書千秋五緯聚煜煜聯明珠
豈徒兆文運皇步躋亨衢美哉君子堂春風迓簪裾高會
既有以嘉名諒非虛君看庭下人星斗羅襟襦高朗自
今始太史徵明符

送湯千戶還吳

留守將軍金虎符明光傳警肅周廬新恩寵拜雙龍闕
別路先生駟馬車投筆書生終刻印入關童子已拋繻

樓船八月吳江燕誰共雕盤薦玉魚

宗伯傳體齋先生挽詩

兩朝名德重儒紳西掖南宮列近臣典禮百年歸考論

文章四海入陶鈞

先生一知貢舉
兩教庶吉士

春風遽撤朝回座夜

月徒傷畫裏神

近屢見先
生遺像

地下青谿定相待霓旌先後

想紛綸

青谿先
五月堯

送顧汝馨

通家人物舊知名十載相看倍眼明捧檄君方感毛義

思賢我復到顛闕青雲未覺流芳遠白髮多應別路生
無限羈愁與鄉思併先秋鴈過吳城

舜臣以詩慰問次韻

故人千里寄新詩正是愁人閣淚時黃鳥有情依灌木
碧蘿無命託松枝尋思往事多艱阻却悟深盟是禍基
長歎一回還自慰重哀寧望老天知

衛景玉生辰席上作

我生於君後三筭我及君游已十年浮世升沈幾搔首

時初聞何汝誠卦 高秋風物又登筵銀鉤欲轉薇花月金獸初

騰栢子煙他日仙班只今定丹梯須讓海鷗先

戲簡王汝楫

短日西風木葉飛游人無處不思歸連廡百室如雲峙

肯念吳兒未授衣

汝楫時監國子倉鄉人以輸稅後期當罰詩至遂得解

方石先生季父逸老以寶慶守致仕先生名其

居曰懸車舊第寶慶歿先生有詩命次其韻

執鞭無地候巾車逸老編中識面初露冕猶聞下江漢

雲山誰與畫
衡廬青槐古
栢京塵遠
寒日西風宰樹踈
莫向方岩誦
哀些竹林回首正
秋歔

題畫鵲

朝陽欲上萬年枝
九色光芒射紺衣
昨夜銀河濟靈駕
露華寒濕未禁飛

題花鳥二絕

邊鷺不起林
良老海內丹青合
到誰晴日
窓間弄沙鳥
楚煙湘樹不勝思

黃鳧不食聚沙背蘆雞相將踏清泚飛燕翩翩輒風裏
江鄉春晴景如此

五馬行贈宋舜和之廣信

翩翩五馬城東隅車載兩轡兼隼纓雪晴塵清馬蹄健
長鳴跋地當雲衢漢家太守唐刺史握節專城殿千里
古來青史亦吾人肯使諸公盡專美西江望君如望雲
驅車躍馬無逡巡聞道羣偷先出境已識新侯是宋均

先夕

會于唐禮部元善宅有
報饒信羣盜解散者

送趙起龍兼簡其季父濟民

濟民善種菊又自言得參同妙理有

先儒所未發者

白鶴城西是舊游趙家亭館菊花秋鄉關客邸勞魂夢
風物天涯惜去留高隱久應忘世味美材還合樹勛猷
竹林會語從容地真訣參同可再紬

送吳克常南京光祿監事

同年周啟明內弟也

通家親戚故鄉人臨別相逢意轉親晤語留連下城日
宦程迢遞促車塵高岡合止冲霄翼淺水寧容縱壑鱗

朱雀烏衣壯游地為君惆悵十年春

送朱文宿謁告東還

天寒游子正思家手把離觴感物華鄉夢五更猶禁漏
歸軒千里即仙槎庭萱屢報東風鵲宮錦爭看上苑花
同學故人應問我綠莎春雨候江沙

十二月十一日進會典

黃蓋亭亭擁楮函簫韶聲起殿東南百年盛事中天見
八聖深仁薄海覃堯典合從虞史潤周官不假漢儒參

願言善述光前訓竹帛千秋作美談

明日宴禮部

大官供帳稱殊恩隊舞番歌出內園禮肅上公尊
奠日書成新典邁虞軒雍容不止過三爵披覽何由望九閣
經幄小臣霑醉甚但歌天保對堯尊

送沈繼昌

絲綸閣裏鳳凰毛五彩朝陽映碧霄
出使口銜天語重拜辭衣傍御香飄
里門駐節驚梅益驛路逢春問柳條

為憶聖情深眷倚肯耽山水後趨朝

戴寶之祖韶軒翁挽詩

西風林壑晚淒其歎息儀刑不可追
天地並臨剖股夕
里閭相泣蓋棺時謀深豐芑金樓冊
心切苞桑白傳詞
翹首玉輝原上路幾人下馬讀穹碑

廿一日夜坐憶亡兒

清夜長吟動四鄰吟成人靜獨霑巾
不知此段纏綿意
天地相關復幾人

視不成形舉目存青燈一盞近黃昏彭殤竟是誰分出
妄使瞿曇欲斷恩

茅山書屋

小茅山下三間屋養默齋中萬卷書竹帛散餘嗟往事
海桑遷後復吾廬簷頭樹色低侵帙門裏泉流曲貫除
想見日長佔畢倦時來憑檻數游魚

封知府葉公挽詩

百歲閒身五馬封向來江海復誰同門闌慶建看諸子

金川八
卷九
兄弟椿津對兩翁身後詩書方自遠眼前林壑便憂空
碧山煙雨淮南路尚想扁舟理釣筒

次韻啟衷給事病後見寄

宋玉楊朱各有悲杜陵曾借草堂資由來造物多兒戲
畢竟風流是我師夢裏青山休作意眼前黃卷足新知
春風幾日開西館聊欲携尊問所疑

賦僮僕歡迎賀叔武尊人都憲致仕

陶令還家日歡迎走僕僮人間長見畫林下復添公物

色殊相近遭逢隻不同飛騰會明盛
敷歷踐昭融苔水猶遺愛橫山早息戎

公鎮守寧夏

全歸渠亦喜遠涉路何窮

指點桑榆茂傳觀里巷空挽衣參穉子扶杖雜村翁黃菊霜前約青山雨後功行藏自吾道消息任天工晚景看如此皇恩信有終丹青如解寫何羨洛城東

題學生畫

枝頭野花紅欲語草綠猶帶朝來雨狂蜂浪蝶不自持下上東風作容與畫師好手亦難逢陶成已老况孫龍

南薰殿裏和丹粉猶堪一笑解天容

東江家藏集卷九